
Saksnr: 2020/49095-58
Saksbehandlar: Ingeborg Strandberg

Saksgang

| Utval | Utv.saksnr. | Møtedato |
|-----------------|-------------|------------|
| Fylkesvalstyret | | 01.06.2021 |

Stortingsvalet 2021 - godkjenning av listeforslag for valdistriktet Sogn og Fjordane

Forslag til vedtak

Følgjande innkomne listeforslag med slike overskrifter vert godkjende som offisielle vallister ved stortingsvalet 2021 i valdistriktet Sogn og Fjordane:

- Alliansen - Alternativ for Norge
- Arbeidarpartiet
- Demokratene
- Fremskrittspartiet
- Helsepartiet
- Høgre
- Industri- og Næringspartiet
- Kristeleg Folkeparti
- Liberalistene
- Miljøpartiet Dei Grøne
- Partiet De Kristne
- Partiet Sentrum
- Pensjonistpartiet
- Raudt
- Senterpartiet
- SV - Sosialistisk Venstreparti
- Venstre

Følgjande innkomne listeforslag med slike overskrifter vert ikkje godkjende som offisielle vallister ved stortingsvalet 2021 i valdistriktet Sogn og Fjordane:

- Kystpartiet
- Piratpartiet

Samandrag

Innan fristen 31. mars var det levert inn 19 listeforslag til stortingsvalet 2021 for valdistriktet Sogn og Fjordane. I samsvar med lov og forskrift har forslagsstillarane gjort nødvendige endringar for å få listeforslaga i samsvar med krava i lova.

Det vert rådd til at 17 listeforslag vert godkjende som offisielle vallister ved stortingsvalet 2021 i valdistriktet Sogn og Fjordane slik dei ligg føre i vedlegget. Samtidig vert det rådd til at 2 listeforslag ikkje vert godkjende som offisielle vallister ved stortingsvalet 2021 i valdistriktet Sogn og Fjordane.

Rune Haugsdal
fylkesrådmann

Ingrid Kristine Holm Svendsen
fylkesdirektør

Saksframlegget er godkjent elektronisk og har difor inga handskriven underskrift

Saksutgreiing

Bakgrunn for saka

Innleverte listeforslag

Det er innlevert 19 listeforslag til stortingsvalet 2021 for valdistriktet Sogn og Fjordane.

| Parti | Tillitsvald | vara |
|----------------------------------|--------------------|--------------------------|
| Alliansen - Alternativ for Norge | Asbjørn Massnes | Dag Roar Fridtun |
| Arbeidarpartiet | Anne Kristin Førde | Petter Sortland |
| Demokratene | Dag Hovelsen | Carl Anton Larsen |
| Fremskrittspartiet | Rita Naversete | Britt Hilda Dalsbotten |
| Helsepartiet | Merete Langeland | Marie Hafstad |
| Høgre | Vidar Grønnevik | Sven Flo |
| Industri- og Næringspartiet | Gunnar Giil | Jan Erik Dregelid |
| Kristeleg Folkeparti | Ragnhild Stav | Beate Lie |
| Kystpartiet | Jan Håvik | Oddvar Inge Russenes |
| Liberalistene | Tor Even Eide | Hogne Kirkebø |
| Miljøpartiet Dei Grøne | Marius Dalin | Odd Bovim |
| Partiet De Kristne | Björg Sølvi Refvik | Jan Gudmund Skrivervik |
| Partiet Sentrum | Audun Mundal | Stein Robert Osdal |
| Pensjonistpartiet | Harald Hyllene | Yngve Almenning |
| Piratpartiet | | |
| Raudt | Ingunn Kandal | Einar Ove Rysjedal |
| Senterpartiet | Sigurd Reksnes | Karoline Aldis Bjerkeset |
| SV - Sosialistisk Venstreparti | Hege Lothe | Åsmund Berthelsen |
| Venstre | Jan Henrik Nygård | Åge Avedal |

Nærare om listeforslaga

Etter vallova § 6-6 skal fylkesvalstyret innan 1. juni avgjera om listeforslaga skal godkjennast. Listeforslag må etter § 6-1 vera kome inn til fylkeskommunen innan fristen kl. 12:00 den 31. mars i valåret. Alle listene er levert innan fristen.

19 listeforslag vart levert inn i valdistriktet Sogn og Fjordane. Det er fem nye lister, samanlikna med stortingsvalet i 2017:

- Industri- og Næringspartiet
- Pensjonistpartiet
- Partiet Sentrum
- Kystpartiet
- Piratpartiet

Merk at eitt parti som stilte for fire år sidan, Alliansen, har skifta namn til Alliansen - Alternativ for Norge.

Listeforslaga har i samsvar med vallova § 6-6 vore lagt ut til offentleg gjennomsyn. Det er ikkje kome klager eller protestar mot nokon av listene.

Vedtakskompetanse

Jamfør vallova § 6-6 har fylkesvalstyret mynde til å gjere vedtak i saka.

Vurderingar og verknader

Krav til listeforslaga

Overskriftene på listene må etter vallova § 6-1 vera einslydande med partiet sitt registrerte namn. Dette er korrigert i samsvar med vallova § 6-6, og alle listeforslaga oppfyller kravet i lova.

Listeforslaga må ha minimum 4 kandidatar og maksimalt 10 kandidatar. Kravet er oppfylt for alle listeforslaga.

Etter vallova § 6-3 er det tilstrekkeleg at minst to styremedlemer i lokalavdelinga skriv under listeforslaget om partiet er registrert i partiregisteret og hadde ein viss oppslutning ved føregåande stortingsval. Det same gjeld parti som er registrert i partiregisteret etter siste stortingsvalet. Dette er oppfylt for 15 av partia. Desse kan behandlast under forenkla regelverk.

Følgjande 3 parti har vorte registrert i Partiregisteret etter førre stortingsval og fyllar difor kravet til forenkla regelverk:

- Alliansen - Alternativ for Norge
- Industri- og næringspartiet
- Partiet Sentrum

Desse registrerte partia fyllar ikkje kravet til forenkla behandling og må samle inn underskrifter jamfør reglane i § 6-3 andre ledd bokstav a i vallova. Det gjeld:

- Kystpartiet

Kystpartiet må difor levere listeforslag med 500 underskrifter. Underskrivarane vert kontrollert mot folkeregisteret og skal oppfylle kravet m.o.t. røysterett i valdistriktet. Per 27.05.2021 har partiet ikkje klart å levere 500 underskrifter for listeforslaget.

Fylkesvalstyret vedtok i møtet 25.03.2021 at listestillarane hadde frist til 16.05.2021 for å syte for at listeforslaget er i orden. Nokre listestillarar hadde ikkje sett listeforslaget i orden før denne tid. Når denne saka vert skrive er alle listeforslaga, med unntak av Kystpartiet og Piratpartiet sett i orden.

Tillitsvalde

Det er krav i vallova § 6-1 at det må vere to tillitsvalde som har signert listeforslaget. Jamfør vallova § 6-3 må dei tillitsvalde:

- ha røysterett i valdistriktet.
- vere styremedlem i lokallaget (fylkes- eller valdistriktsnivå). Dette kravet gjeld berre parti som vert behandla under forenkla regelverk.

Av ulike grunnar har fleire parti opphaveleg ikkje fylt desse krava til tillitsvalde. Alle listeforslaga, med unntak av Piratpartiet, fyllar no krava i vallova i samband med krav til tillitsvalde.

Listekandidatane

Alle kandidatane på listeforslaga er kontrollerte mot folkeregisteret m.o.t om dei er valbare. Ein av kandidatane var ikkje valbare.

Kandidatane på listene har i brev sendt 14.-19.04.21 fått melding om at dei er førde opp på listeforslaget til det aktuelle partiet, og at dei må søkja fritak innan 02.05.21. Det er opplyst at retten til å krevja fritak går tapt om ikkje fristen vert halden. Departementet har rådd til at kandidatane ikkje bør ha mindre enn ei veker frist.

Breva er sendt ut via KS SvarUT, og går då til DigiPost, E-boks eller Altinn. Om kandidatane har reservert seg mot digital kommunikasjon eller ikkje opna brev i Altinn innan 40 timar, vart det sendt i fysisk brev. Dei som brukar DigiPost og E-boks har forplikta seg til å opne brev som kjem dit. Nokre brev er komne i retur fordi den folkeregistrerte adressa ikkje samsvarar med postadressa. Desse breva er sendt til anna adresse.

Fylkesvalstyret behandla søknadene om fritak i møtet 11.05.2021. Av i alt 1 søknad er 1 innvilga, jfr. PS 2/21.

Generelt

På nokre av listeforslaga var det gjeve opp feil etternamn, mellomnamn som er registrert i folkeregisteret var ikkje opplyst, fornamn og etternamn var bytta om eller at bustadkommune var feil. Det er det namn og bustadkommune som kandidaten er registrert med i folkeregisteret som

må nyttast. Det vart teke kontakt med listestillarane vedkommande dette, slik at dei fekk høve til å retta opp.

Kandidatane skal først opp med for- og etternamn. Det er kandidaten sitt rette etternamn som må brukast sjølv om vedkommande ikkje er kjend under dette. Det namnet kandidaten er kjend under bør tilføyast i parentes. I praksis er det lagt til grunn at kandidaten kan først opp med eit tilnamn, dersom vedkommande er allment kjend under dette, i staden for fornamnet.

Utforminga av røystesetelen avgrensar kor mange teikn ein kan bruke på namn og bustad/stilling.

Namnet til ein kandidat (inkludert fornamn, mellomnamn og etternamn) kan ikkje ha fleire enn 35 teikn. Det vart teke kontakt med tillitsvald for lista og lista vart korrigert slik at det høver med plass på røystesetelen.

Nokre parti hadde mange opplysningar om kandidatane på innlevert listeforslag. Bustad og stilling kan til saman ikkje ha fleire enn 25 teikn. Det vart teke kontakt med tillitsvald for lista og lista vart korrigert slik at det høver med plass på røystesetelen.

I forslaget til godkjende lister som ligg i saka er endringane innarbeidde.

Særskilt om listeforslaga

Her er oversikt over dei listeforslaga der det er noko særskilt å nemne. Dei som ikkje er nemnt her har berre hatt generelle merknadar til listeforlaget sitt, eller har sett listeforlaget sitt i orden før fylkesvalstyret sin frist, 16.05.2021.

Alliansen - Alternativ for Norge

Partiet skulle sende inn stadfesting på ein kandidat der det var uklart om det var rett person. Partiet sendte slik stadfesting 27.05.2021, 11 dagar etter fylkesvalstyret sin frist for å sette listeforlaget i orden.

Demokratene

På listeforlaget som vart sendt inn står det ikkje klart kva val det gjeld eller kven av dei to tillitsvalde som er hovudtillitsvald og kven som er varatillitsvald. Partiet har stadfesta at listeforlaget gjeld Stortingsvalet 2021 og kven som er hovudtillitsvald og varatillitsvald på telefon 27.05.2021, 11 dagar etter fylkesvalstyret sin frist for å sette listeforlaget i orden.

Helsepartiet

Partiet skulle sende inn stadfesting på ein kandidat der det var uklart om det var rett person. Partiet sendte slik stadfesting 20.05.2021, 4 dagar etter fylkesvalstyret sin frist for å sette listeforlaget i orden.

Industri- og Næringspartiet

Partiet skulle sende inn stadfesting på ein kandidat der det var uklart om det var rett person. Partiet sendte slik stadfesting 19.05.2021, 3 dagar etter fylkesvalstyret sin frist for å sette listeforlaget i orden.

Kystpartiet

Partiet vart bedt om å stadfeste om listeforlaget skal ha informasjon om stilling eller ikkje. Informasjon om stilling skal stå på alle kandidatane eller ingen. I listeforlaget til Kystpartiet var berre to kandidatar oppført med stilling. Partiet har stadfesta dette på telefon 26.05.2021, 10 dagar etter fylkesvalstyret sin frist for å sette listeforlaget i orden.

Kystpartiet stillar ikkje under forenkla regelverk og må difor levere 500 underskrifter for å stille med listeforslag i eit valdistrikt, jmf. § 6-3. Krav til underskrivarane er at dei har røysterett i valdistriktet, jmf. § 6-3. Vedlagt listeforlaget 31. mars 2021 var det 26 underskrifter. Den 26. april leverte partiet ytterlegare 49 underskrifter. Det er levert omtrent 80 underskrifter 7. mai 2021. Kystpartiet manglar 340 underskrifter for å stille med liste i Sogn og Fjordane. Partiet har munnleg informert om utfordringar med den digitale løysinga for å samle underskriftar, samt utfordringar med restriksjonar i samband med smittevern ved fysisk innsamling og overlevering av underskrifter.

Kystpartiet fyllar per 27.05.2021 ikkje kravet i vallova § 6-3 om å levere 500 underskrifter for listeforlaget i valdistriktet.

Liberalistene

Det var ikkje mogleg å stadfeste om dei tillitsvalde for listeforslaget var styremedlem i lokallaget eller kven av dei tillitsvalde som var hovudtillitsvald og kven som var varatillitsvald. Partiet vart difor bedt om å stadfeste dette. Partiet sendte stadfesting på at dei tillitsvalde var styremedlem i lokallaget 26.05.2021, 10 dagar etter fylkesvalstyret sin frist for å sette listeforslaget i orden. Partiet stadfest kven av dei tillitsvalde som er hovudtillitsvald og kven som er varatillitsvald på telefon 27.05.2021, 11 dagar etter fylkesvalstyret sin frist for å sette listeforslaget i orden.

Partiet Sentrum

Partiet skulle sende inn stadfesting på kandidatar der det var uklart om det var rett person. Partiet sendte slik stadfesting 19.05.2021, 3 dagar etter fylkesvalstyret sin frist for å sette listeforslaget i orden.

Pensjonistpartiet

Ein av kandidatane på listeforslaget til Piratpartiet søkte om fritak frå å stå på liste. Søknaden vart innvilga. Partiet valde å rykke opp lista utan å legge til ein kandidat nedst.

Partiet skulle sende inn stadfesting på kandidatar der det var uklart om det var rett person. Partiet sendte slik stadfesting 20.05.2021, 4 dagar etter fylkesvalstyret sin frist for å sette listeforslaget i orden.

Piratpartiet

Dei tillitsvalde for listeforslaget er ikkje folkeregistrert i valdistriktet og fyllar difor ikkje kravet i vallova § 6-3. Partiet stadfestar i e-post 27.05.2021 at dei ikkje klarar å fylla kravet i vallova § 6-3.

Raudt

I opphavelag listeforslaget opplyser partiet at kandidat 9 ikkje har norsk statsborgarskap. Vallova seier i § 3-1:

«§ 3-1.Valgbarhet ved stortingsvalg
(1) Valgbar til Stortinget og pliktig til å ta imot valg er alle som har stemmerett ved valget, og som ikke er utelukket eller fritatt.
...»

Alle kandidatar må difor ha røysterett på valdagen (13.09.2021). Det krev at kandidatane er norske statsborgarar. Om kandidaten ikkje fyllar krava i vallova § 3-1 (1) i vallova på valdagen, vil kandidaten ikkje vere valbar. Kandidaten vert då fjerna frå valoppgjeret.

Partiet vart informert om at kandidat 9 vert fjerna frå valoppgjeret om vedkommande ikkje er valbar på valdagen. Partiet fekk valet mellom å halde på kandidaten eller byte vedkommande ut med ein ny kandidat 9.

I e-post av 22.04.2021 opplyste partiet om at dei ville byte ut kandidaten med ein ny kandidat 9.

Kommunikasjon med listestillarane

Fylkesrådmannen har på vegner av leiar i fylkesvalstyret vore i kontakt med dei tillitsvalde for listeforslaga ved fleire høve.

- I veke 15 fekk alle tillitsvalde e-post med informasjon om større manglar ved listeforslaget som var oppdaga til då, samt informasjon om prosessen vidare. Ein e-post vart sendt til feil e-postadresse, og vidareformidla når feilen vart oppdaga.
- Tidleg i veke 19 fekk alle tillitsvalde brev frå leiar i fylkesvalstyret via e-post med ei oppsummering av alle feil eller manglar ved listeforslaga, samt eit utkast av informasjonen som kjem på røystesetelen. Dei tillitsvalde vart bedt om å kome med stadfestingar eller eventuelle innspel til informasjonen som kjem på listeforslaget.
- I veke 20 fekk alle tillitsvalde som ikkje hadde kome med stadfestingar som var førespurd ei påminning.

Fylkesrådmannen har elles vore i kontakt med dei tillitsvalde per e-post eller telefon ved behov. Det har til tider vore vanskeleg å få svar frå nokre av dei tillitsvalde, men for det meste har fylkesrådmannen fått dei svara han treng.

Andre vurderingar

Økonomi: Ikkje aktuelt.

Klima: Ikkje aktuelt.

Folkehelse: Ikkje aktuelt.

Utviklingsplan for Vestland 2020-2024 (Regional planstrategi): Ikkje aktuelt.

Konklusjon

Etter at fristen for innlevering av listeforslag er gått ut, kan forslagsstillarane berre gjera dei endringane som er nødvendige for å få forslaget i samsvar med krava i lova. Det inkluderer også å setja inn ny kandidat dersom nokon vert stroken frå lista, jfr. valforskrifta § 15.

I forslaget til godkjende listeforslag som ligg i saka er endringane innarbeidde.

9 listeforslag var ikkje sett i orden før fylkesvalstyret sin frist 16.05.2021. 17 listeforslag er sett i orden per 27.05.2021, som er før fristen i vallova for å godkjenne listeforslaget, 01.06.2021.

Det er altså 7 listeforslag som ikkje var i orden før fylkesvalstyret sin frist, men som er sett i orden per 27.05.2021. På tross av at dei 7 listeforslaga ikkje heldt fristen til fylkesvalstyret, vil fylkesrådmannen likevel rå til at dei vert godkjent som offisielle listeforslag.

Dei 2 listeforslaga som ikkje er sett i orden per 27.05.2021 er Kystpartiet og Piratpartiet.

Kystpartiet

Basert på at listeforslaget for Kystpartiet per 27.05.2021 ikkje fyllar kravet i vallova § 6-3 om å levere 500 underskrifter for listeforslaget i valdistriktet, vil fylkesrådmannen rå til at listeforslaget ikkje vert godkjent.

Piratpartiet

Basert på at listeforslaget for Piratpartiet ikkje fyllar kravet i vallova § 6-3 om at dei tillitsvalde for listeforslaget skal ha røysterett i valdistriktet, vil fylkesrådmannen rå til at listeforslaget ikkje vert godkjent.

Fylkesrådmannen rår fylkesvalstyret til å godkjenna følgjande listeforslag som offisielle vallister slik dei ligg føre i vedlegget:

- Alliansen - Alternativ for Norge
- Arbeidarpartiet
- Demokratene
- Fremskrittspartiet
- Helsepartiet
- Høgre
- Industri- og Næringspartiet
- Kristeleg Folkeparti
- Liberalistene
- Miljøpartiet Dei Grøne
- Partiet De Kristne
- Partiet Sentrum
- Pensjonistpartiet
- Raudt
- Senterpartiet
- SV - Sosialistisk Venstreparti
- Venstre

Fylkesrådmannen rår fylkesvalstyret til å ikkje godkjenna følgjande listeforslag som offisielle vallister slik dei ligg føre i vedlegget:

- Kystpartiet
- Piratpartiet